


T2720/2961

2



書之取世之

此朱明所

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

其言曰今之世也上之有乙酉朔

皇明大政記卷之三

佛大漢和
圖書館珍藏印

臣朱國禎謹輯

洪武四年辛亥正月乙酉朔太師李善長致仕陞右丞

汪廣洋為右丞相胡惟庸為右丞 丁亥 親祀上

下神祇告伐明昇 中山侯湯和為征西將軍率諸

將由瞿塘趨重慶傅友德為征虜前將軍由秦隴趨

成都 魏公往北平 宋公馮國勝往陝西 衛公

鄧愈往襄陽各練兵陝西襄陽仍給餉征蜀諸軍

吏部月理貼貢 定親王宮殿制度 定祭服 天地宗廟

日月用冕服餘則皮弁羣臣品服梁冠 製大本堂玉圖書記賜 皇

CHINESE-JAPANESE LIBRARY OF
HARVARD-YENCHING INSTITUTE
AT HARVARD UNIVERSITY
NOV 4 1930

太子 建園丘日月社稷山川壇及 太廟于臨濠

二皇姪女仍稱公主 夫王克恭黃 珠仍稱駙馬 河南知府徐

麟以母老居廝請終養即改為廝州知府便之 復

孔氏子孫二十六戶徭役 定王國宗廟社稷壇壝

之制 丁酉享太廟始行灌禮 置玉圖記二一日

廣運之記一賜中宮曰厚載之記 立內城門禁之

法 巳亥中書省上天下府州縣官之數 府州縣凡 一千二百

十九宮五千四 百八十八員 御史臺進擬憲綱四十條 上親

刪定刊行 賜故元臣禿魯書 諭中書製綿衣襖

賜蔚朔寧夏等處將士 改建外皇祖考楊王廟于

貽野外舅徐王廟于宿州 皆墓 定內臣散官 修

治廣西興安縣靈渠三十六陡 中書省奏宦官月

俸 上以此輩衣食于內先給廩米 九斗但增為一石俸端不可開 令設科連試三

年自後三年一舉 雨水冰 定文武官歲祿 二

月乙卯朔給大同糧餉修城垣 學士張以寧等還

自安南其王陳日燧表謝以寧卒于道 戊午太白

晝見 詔太常司祭配享之位不用祝文不別奏樂

改鑄小錢 奉先殿成每日朝脯 上及 皇太

子諸王二朝 皇后率妃嬪日進膳月薦新 設各

都指揮使司斷事 定中鹽則例 增中都所隸州

縣 甲戌 上如臨濠 壬午還京 京師火 故

元遼陽平章劉益奉地圖來降置遼陽衛以益為指

揮同知賜勅 三月乙酉朔策貢士俞友仁一百二

十人于奉天殿知貢舉禮部尚書陶凱前侍講學士

潘廷堅 賜吳伯宗郭翀吳公達等及第出身同出

身有差賜伯宗朝服冠帶授禮部員外郎

金濤登第授縣丞林實柳伯儒不通華言請歸厚給遣之 改築圜丘方丘壇

賜諸功臣臨濠山地 罷司農司 高麗帶物出境

勿禁 壬寅 皇第十一子椿生 惠妃郭氏出 欽天監

官又任 留山東西鹽課易粟給大同軍 定命婦

封號 安輯山後民戶 丁未定武官襲職例 有次嫡

無次則庶長子又無則弟侄又無則妻女家屬月給以俸 定有司三年稱職者

給誥 定祭歷代帝王陵寢三十五 凡郡縣以醫藥立廟致祭者以

為褻賣非崇事之體皆罷 中書省奏舉百官起居之禮及進膳

用樂勿許 元降將謀叛太原指揮葉桂捕斬之

閏三月甲寅朔置羣牧監于答答失里營 賜功臣

守墳人戶 收故元山東北平舊軍十萬九千餘戶

每三戶出一軍隸北平諸衛 定欽天監官品秩

是月楊璟攻瞿塘不利 賜吳興民王升手詔銀絹

復其家 子軫舉人為平涼知縣 四月定七品以下

官員資級 傳友德攻蜀階州克之進克文州汪與祖戰

死 湯和克歸州諸山寨 巳丑定王府官制 朱

亮祖濟師伐蜀 廣德侯華高卒于廣東 學士致

仕羅復仁卒 庚子召陝西儒士趙晉浙江儒士張

羽晉字孟陽入見所言合 上意賜衣授秦府說書 以老致仕賜緡錢及勅羽字來儀應對不稱 旨

遣 傅友德克隆州綿州 五色雲屢見 徵天下

儒士隱逸及下第者俱給廩傳至京 冊開平王女

為 皇太子妃 太白數晝見 辛卯定 太廟合

祭功臣配饗 江陰侯吳良討靖州叛蠻平之 立

祠祀元御史大夫福壽 五月乙卯免江西秋糧

造用寶金牌及軍中調發符牌用鍍長五寸濶半之 上級二飛龍下級二

麒麟首為圓 竅貫紅絲縹 以李守道詹同為吏部尚書 凡吏

人服色用皂 鑄運使銅版印目 禁諸司濫設貼

書 立大社壇于中都取四方 上築之 故元平章洪保保

叛殺指揮同知劉益 定宮中妃主常服及命婦朝

服常服之制 免兩浙秋糧 日中黑子起壬子至

辛巳始滅 六月壬午朔傳友德拔漢州 浦城新

軍作亂殺阮德柔尋討平之德柔浦城人來降授官 請收故部曲為兵從之

令嚴急新軍百戶李清率眾殺德柔為亂建 寧衛遣兵擊斬之德柔贈正千戶子文振襲 丙戌

促湯和進兵 辛卯廖永忠破瞿塘入夔州與湯和

並趨重慶 偽夏平章丁世貞陷文州守將朱顯忠

死之 故元遼東右丞張良佐左丞房嵩貢馬并送

逆黨授本衛指揮僉事 傅友德攻成都 癸卯湯

和至重慶明昇出降 定武臣金銀牌制 上自為

文銀曰上天祐民朕乃率撫威加華夷實馮虎臣錫

爾金符永傳後嗣 字皆 陽文 吏部尚書詹同陶凱進宴

享九奏樂章 山後民內徙者給糧入藉 凡三萬五千八百斤

一十九萬 七千餘人 賜故元臣驢兒書 倭寇膠州 書諭

納答出 七月辛卯朔存心錄成 事神 祇肅 命馬雲葉

旺為都指揮使鎮遼東 大將軍自北平往山西練

兵 庚申成都降 有韓 貞女 辛酉太陰入南斗魁中

曹公按行四川 諭中書祥瑞勿以聞災異匿者罪

之 乙丑封明昇歸義侯免其叩頭伏罪賜寇帶居

第 丁卯中書省奏科舉定制 惟史胥不 許應試 華雲龍

至雲州襲執故元平章僧家奴 太常寺祭馬祖之

神 有神馬曰 飛越峯 中書省移咨占城 安南侵擾占城其 王來告乃移咨并

諭安南 罷兵 蜀將丁世貞為其下所殺 攻秦州五十日 援至而遁走被

殺當賞 上曰殺 本管非義不許 八月改製用寶金牌 軍機文書 自都督府

中書省長官外不許擅奏有詔調軍中書省會都督 府同覆奏然後各出所藏金牌入請用寶如督府先

奉 旨亦如之有不 行約會以姦臣論 皇第十二子栢生 順妃胡 氏出

乙酉夜天鳴 徙應天治于江浦 釋知縣林弼卽

陞考功郎中 癸巳淳泥國入貢 大發銀于西北

邊易米給軍 降祭酒魏觀司業宋濂為知縣 以考正孔

子祀典稽緩濂上孔廟議言設像從祀廟制冕服祭器等項皆未合古制忤上意 克保寧

執吳友仁蜀地悉平 關中饑賑之 贛州山寇高

州海寇作亂討平之 諭雲南諸蠻 召還劉基

九月庚戌朔日食 乙卯熒惑犯壁壘 丙辰册故

元太傅王保保女弟為秦王妃 分遣御史覈實鹽

課倉庫虛實之數 三佛齊國入貢 禁征海外諸

夷 呂宗俊還自暹羅其國王遣使隨入朝貢 定

齋戒期自五日至一日有差 以州縣征稅侵漁令

戶部料多田者為糧長督其鄉賦以萬石為率 改

虎牢關為古殺關 鄭縣民易文通作亂討平之

十月庚辰朔有星起自五平分為二至四輔沒 日

本國王良懷遣使朝貢 同知趙秩先至其國說之乃入貢 定未入

流寇服 丙寅征蜀諸將還京 誅蜀將吳友仁餘

發戍徐州 降虜朶的等叛討斬之 修京師城垣

作諸王宮殿頒圖侯農隙 給公侯佃戶三萬八

千餘戶 十一月丙辰祀園丘 執事官皆給新衣 免西安

王府田租 真臘入貢 召魏觀宋濂為禮部主事

命各屯田三年後每畝收租一斗 官吏犯賊罪

者勿貸 郭英私占役卒切責宥之 都司官不許

世襲 定所管逃軍降罰之例 定功臣祖父封爵

及官軍士優卹之例 十二月二日辛巳命鄉試舉

人免會試悉起赴京用 更定釋奠祭器禮物 戒

勲臣禁戢佃戶 戶部奏天下府州縣官數 府一百四十一

官八百八十州一百九十二官五百七十二縣一千三百官三千四十一 定文武官祖

父封贈之典 尚書朱守仁廉察山東官吏 禁南

北冒籍 方國真游民充船戶者凡十一萬一千餘

人隸各衛 貯茶易馬西番 辛卯賞平蜀將士以

傅友德廖永忠為首湯和楊璟朱亮祖趙庸不賞

宥漢中知府費震 嚴出海之禁 定官民揖拜禮

收開平王叅隨皆授京衛百戶 故元施南宣慰

使覃大勝兄弟來降 革僧道善世玄教二院 魏

公還京師 辛丑夜太陰犯房第二星

洪武五年壬子正月巳酉朔設王府三護衛衛五千戶

所及圍子手二所 瑣里國王來貢 虜寇汾州敗

之擒八百餘人 犯罪謫南海者俱鳳陽屯田 癸

丑侍制王禕偕蘇成諭雲南 成北平送至稱為北使者禕被留見殺

辛酉建蔣山法會三日 壬戌瓜哇暹羅斛國來貢

甲子楊載招諭琉球 捕斬宜君縣羣盜 賜魏

公等交趾弓矢 徙陳理明昇于高麗 各宣慰司

俱來朝貢 戊辰定武選之法 巳巳命 皇太子

秦王祭 皇陵 魏公為征虜大將軍出中路曹公

左副將軍出東路宋公征西將軍出西路各五萬騎

靖海侯吳禎以舟師運糧遼東 衛公為征南將

軍征湖貴洞蠻 五色雲屢見 二月巳卯朔討潮

州盜平之 移兩淮鹽運批驗所于儀真并濬運河

癸未臨濠府火 安南朝貢以署名有異却之

叔明逼死 日燧自立 蜀陝西逋欠鹽糧 置四川都轉運鹽

司秦州茶馬司 京師火屢發 禁告江西陳氏周

氏軍者 凡一家父子兄弟從軍者免其父兄 各

府州縣建申明亭 三月戊申朔悉免京師居民差

役 將官子弟年幼者入國學稍長隨朝叅 重定

官民相見禮 置金筑程番長官司以土酋為之

庚申以魏觀為蘇州知府 丁卯都督藍玉出塞擊

敗王保保 庚午平澧州洞蠻 辛未定 車駕出

入清道迎送回避禮 高麗賀平夏請遣子弟入國

學許之 山東旱災賑之 四月戊寅朔廣東西盜

起悉平之 命灌頂國師仍舊號招撫朶甘 詔天

下舉行鄉飲酒禮 衛公討散毛等三十九洞悉平

之 更定品官命婦冠服制度 五月丁未朔命各

司置齋戒牌 壬子大將軍兵至嶺北戰不利歛兵

守塞 戊午夏至祭方丘 以旱命宮中蔬食是夜大雨 倭寇海

鹽 募商人永平衛納米中鹽 建昌王溥上言山

巖歌聲事 六月丙子朔置中都兵馬分司 定宦

官禁令宮官女職之制 宋公馮勝穎川侯傅友德

出甘肅大捷降其將上都驢 選民間婦女通曉書

數願入宮者四十四人 年未二十者三十人賜金遣還止留堪任者十四人

置遼東金蓋復三州 倭寇寧德縣 自甲申至丁

亥太白晝見 賜京民戶各絹一疋 癸巳定六部

職掌歲終考績行黜陟 定公主府第及官民婚喪

儀物內命婦冠服之制 國子監官滿三考者加吏

秩仍任 立養濟院 江陰侯吳良平會同縣蠻寇

癸卯旬容民獻嘉瓜二同蒂而生 上自為贊賞

獻者 温州逐倭破之 何真收廣東舊部三千五

百餘人 造紅牌鑄戒諭后妃之辭懸于宮中 曹

公追虜至稱海力戰相持虜遁去乃還 宣寧侯曹

良臣等戰沒 中都皇城萬歲山雨雹 度四川田

作鐵榜申戒公侯 七月四日巳酉五色雲見四

日 丙辰湯和兵至斷頭山遇虜戰不利指揮同知

章存道死之子也 曹公以所獲故元官屬子孫及

軍士家屬送至京師 京師風雨地震 詔戶部經

理功臣田土 高麗貢馬因奏耽羅國恃險遠不朝

貢秀蘭山多逋逃乞發兵討罪璽書令審度而行

書諭故元國公白鎖住 八月乙卯朔定郊祀 皇

太子留宮中居守 宣慰使靄翠請討所部龍居不

許 罷天下進賀 聖節冬至表箋 大造海船禦

倭 丙戌申明誠諭書成頒天下 河南獻白兔放

于野 定夕月儀與朝日同 武官謫降者悉赴京

錄用 北平山西餽運先以銀易米 征南副將軍

吳良等平五開諸蠻凡二百二十洞 倭寇福寧縣 平

陽指揮僉事張祥追胡戰于古銅山破執 建開平

王常遇春祠于北平 明州衛指揮僉事張億討倭

中矢卒 胡兵侵雲內突入州城同知黃理與戰死之援兵至解去 九

月乙巳朔修 太廟 上親祭告并祭土神 南海

盜黑鬼作亂討斬之 造護駕先鋒金字牌 遼陽

降將高家奴等至京 征南副將軍周德興討婪鳳

安田等洞蠻悉平之遂克泗州城 罷石隴定海宣

課司已有海禁故也 太原府陽曲縣地屢震 停賀 聖

壽節

并諭止高麗自是節齋居素食不受朝賀 聖

詳定犯賊赦格

占城入貢

十月甲戌朔復置龍虎衛于浦子口

收集武昌新軍五千四百餘人

雜犯死罪輸作臨

濠定各樂舞生冠服之制 申高麗三年一貢之

命

方物止布十疋

宋公自甘肅班師至京 存恤驛傳馬

夫 蠲應天等五府秋糧 十一月甲辰朔 文武

官奏對者各從班次不得撓越 建公侯第宅于中

都

六公二十七侯

討平化州石龍縣蠻寇 征南將軍衛

公等江陰侯吳良靖海侯吳禎江夏侯周德興俱還

京 庚午將旦熒惑犯鉤鈴 同安縣盜伏誅 納

哈出寇遼東

燒糧二餘萬石殺五千餘人

詔徐李二公以天寒

還京令士卒分住山西北平等處 十二月甲戌朔

敘征南功 罷京師浚濠及臨濠作役 庚辰省府

臺各置銅匱藏 聖旨及奏事簿籍 甲申太白晝

見 丙戌定遠等衛火 侍郎曾魯卒 增設四川

永寧茶局 復以主事宋濂為贊善大夫 加封皇

姊隴西長公主為曹國太長公主駙馬都尉思親侯

李貞為曹國公 給僧道度牒免輸錢 庚子詔造

獨轅車 停飼虎豹及它禽獸 虎豹送光祿寺餘皆縱之 土蕃

邀烏斯藏貢物衛公為征西將軍討之 琉球隨楊

載入貢 吳禎黜定遼衛指揮使尋復 再書與元幼

主并與元臣劉仲德朱彥德 築太同城

洪武六年癸丑正月癸卯朔福州温州盜平 造沿海

多櫓快船廖永忠之奏 守令來朝賜酒饌戒諭之 魏

公曹公山西北平練兵尋召還以陸仲亨何文輝代 胡廷美收

集江州沔陽舊將士凡萬四千餘人 羣經類要成

取諸經要言以恒言釋之使人通知仍手釋二章以式 丙午 上御武樓召

賜陳寧宋濂甘露漿 甲寅以舉人張唯王輝等為

編修入文華堂肄業詔宋濂等為之師 上親品其

優劣每食 皇太子親王迭為主 黜右丞相汪廣

洋為廣東叅政 甲寅 上作春光記述對時育物勤政圖治勉

學之意 丙辰免工部尚書黃肅笞罪上以六卿之長不宜加辱得以

贖俸 定教練軍士律 擇國子監官 立西寧衛以

朶兒只失結為指揮僉事 免江西沮壞鹽法商民

死罪輸作臨濠 二月置烏斯藏朶甘衛指揮司宣

慰司二 海賈獻番香阿刺吉却之即薈薇露 暫停科

舉令舉通經博古才德兼全之士 四川蠻酋叛討

平之 辛巳更置羣牧監于滁州秩從三品尋改為太僕寺 安

南陳叔明來謝罪令以前王印視事 禁教坊及天下樂人

勿得以古先帝王聖賢忠臣義士為優戲 定救日

食禮 增築國子學舍 濬上海縣胡家港通海船

城潞州 胡寇永平殺遷安知縣及二指揮 旌

龍游縣民夏文昭四世同居一門三節 興山縣盜

平 庚子出禮刑尚書陶凱吳雲為叅政 牛諒為

禮部尚書 三月癸卯朔日食 昭鑑錄成頒賜諸

王 巳巳定設給事中十二人秩正七品分六科

戊申閱武教場 壬子魏公曹公宋公備邊 甲寅

德慶侯廖永忠運糧遼東 壬戌甓臨濠城 陞蘇

州知府魏觀叅政尋遣還郡 釋衛卒王昇罪還家

受親 舊餽 戊辰日交暈 庚午會計京師軍糧官俸月

稅 召見方孝孺宴禮部 都指揮常守道破虜

賀州屯軍作亂討斬之 四月甲申朔刑部侍郎李

浩還自琉球 日本來貢且謝罪 先屢寇沿海郡縣 命中書省移文責

之故以 使至 仍再賜詔責諭之 各處稅糧許銀鈔錢絹

代輸 癸未以火你赤為翰林蒙古編修更姓名曰

霍莊 定武官誥勅之制 加贈戰沒功臣趙德勝

等七人封號 京師自去歲八月不雨至是月庚戌

始雨 五月甲寅朔禁秦蜀軍民入西番互市 議

喪服之制 故元國公九住寇陝西擊敗之 工匠

乘危負重死者給棺國子生護送復其家祭葬 六

月甲申朔大都督府同知何文輝卒 以宋濂為翰

林學士承旨知制誥兼贊善如故 戊子客星見天

倉至七月 乙亥沒 巳丑勅魏公捕虜 甲子詔改各省行

中書省為承宣布政使司布政使一人左右叅政各

一人 巳亥重建奉先殿工完奉安 召還岐寧衛

經歷熊鼎中道為虜切殺 錄用武官子弟遺棄者 七月

癸丑朔日食 壬戌太師李善長子祺尚皇長女臨

安公主 甲子立倒鈔法 以監察御史王傅等一

百二十三人為知府知縣等官 免蘇松嘉湖租三

十萬石 伯顏帖木兒入寇潁川侯大破之餘眾縛

昨 指揮常守道等破虜于天池山斬其左丞忽都

等 宣慰使靄翠位居各宣慰之上 凡指揮沒于

戰陣者皆賜公田 臨江侯陳德等破虜答刺海子

口 建歷代帝王廟于京師 後以文王守臣節唐高祖無創業功不設

川貴減鹽價納米 更定親屬相容隱律 襲封衍

聖公孔希學來朝 禮部致餼仍賜勅九月辭歸賚銀百兩綺帛各五匹宴光祿寺翰林

官餞 之 度僧道九萬六千餘人 指揮王約襲虜平

章定定獲之 考五輅制度 徙朔州民于內地

都督府奏內外軍衛一百六十四千戶所八十四大

小武官一萬二千九百八十人 胡寇未滅勅問大

將軍 占城敗海寇進貢并獻俘優賚之 九月巳

亥朔編起兵以來日曆 南直隸浙江江西今歲糧

稅悉代以綿布 定散官資級誥命制度及常朝班

次奏事禮儀 甲辰設戒飭版榜于午門并省府臺

門 丁未更定有司申報庶務法 重建雞籠山功

臣廟成 禁四六文辭 乙卯命諸司常事奏 皇

太子重事乃奏聞 戊午鑄太和鐘成 建樓縣于園丘齋宮之東

北 庚申歲星犯鬼宿 改臨濠府為中立府 徙邊民入

千戶實之 十月巳巳朔賜弘文館學士胡鉉還鄉 各

番僧帝師之裔鎖南監藏等乞名號護持許之賜勅

及文綺巳賜玉印者不許 辛巳暹羅斛國王進表

中宮却之 後再貢 再却 却高麗貢馬賜璽書責之 馬五

亡者二使私補詰之云進 東 官移以補者 上以挾私責之 真臘入貢 文武

官犯杖罪二次者錫宴不得上殿及內庭 考前代

設立內官之法 置內正司設司正司副各一人正從七品司其事尋改為典禮司又改為

典禮祠 祭司 十一月戊戌朔流星起內階北行至文昌

光照地三鼓復如前自紫薇至北斗第三星没 修

聊城縣頴項陵廟 占城破安南兵告捷 大將軍

破胡兵于三角村擒其武平章康同僉 民間養官

馬一者免田租五石 立元世祖廟于北平 定園

丘燔柴禮 大輅成 停潞州貢人參太原貢蒲葡

酒 丙寅冬至 上不豫改郊期于閏月 閏十一

月戊辰朔陞已沒功臣子孫應襲者二百九人 壬

午祀園丘 定品官家用祭服公服 田儼使緬國

道梗召還 復定祭祀齋戒禮 沿江蘆場聽軍民

採用 刑部尚書劉惟謙詳定大明律頒天下 壬

辰夜太陰犯心 孝節二人 十二月丁酉併僧道

寺觀每府州縣止存其一及禁女子為尼 置臨清

倉貯轉運糧儲 以胡寇徙撫寧縣于內地并罷瑞

州 開設四川貴州土官諸司 乙丑雨木冰 三

佛齊國入貢

洪武七年甲寅正月丁卯朔令六部官毋得輕調有年勞首

就本部 陞用 益中立府屯兵 詔都督僉事王簡王誠

李伯昇往彰德濟寧真定統兵屯田 靖海侯吳禎

出海巡捕 定王府前殿曰承運中曰圓殿後曰存

心四城門南曰端禮北曰廣智東西曰體仁遵義

釋成安縣縣丞唐珣于獄故禁三年 上書得出 陞繁峙縣主

簿虞文采為大同知府上言山西官吏 不法事得實 曲阜知縣

孔希大當逮問釋之為人所許以 聖裔得免 禮部尚書牛諒

進歷代帝王像凡十七 節婦四人 二月丁酉朔

日食 貴州兵大破蠻寇 詔 皇太子率諸王詣

閱武場祭旗纛 日中屢有黑子 修先師廟及祭

器其田產荒蕪者蠲稅設孔子顏孟三代子孫教諭

選直省舍人 擬建閣江樓停之 定掾吏令史

考滿資格 三月丁卯朔 勅大將軍分布各邊屯

種 播州田稅隨所入不為定額 停蘭州民著沙

賞賜 其兄買的叛立賞格購之著沙等斬之來獻

上以兄固有罪弟手刃垂天倫停賞止給馬牛 轉漕粟于陝西 壬辰方國真卒 令遠國世一

朝高麗三年一聘 世朝 從便 節婦九人 安南陳叔明

請以弟煇權國事許之 召湯和鄧愈郭子興還

四月丙申朔都督藍玉等攻拔興和 桂陽蠻叛討

平之 壬寅太陰犯軒轅 置錢冶所官凡一十三

所 雷州民構海賊作亂討斬之 詔江南諸府無

水路可通者以金銀錢布代輸 葺高陽縣高辛廟

致祭 曹公掄元平章太尉 魏公進元俘五千餘

人 宋公衛公等復鎮北邊 十二月 召還 召汪廣洋為

左御史大夫 諸將屢獲故元官屬兵馬 塞外夷

人皆遷內地 上元縣民史廣妻李氏一產三男給

錢六千乳之 後為 例 癸亥稅民瓜果者罪之 五月

丙寅朔大明日曆成 詹同宋濂等更請輯 聖政

為書曰 皇明寶訓許之 高麗入貢詰之 中云禮送大府

監此元舊名 國朝無之 詰其不誠 賑蘇州饑民 用米穀三十九萬 修

夫廟 禮部尚書牛諒請大祀致齋用周禮日宰犢

進膳不許 減蘇松嘉湖極重田稅之半 每畝原七斗五升

久旱祈禱大雨 學士承旨兼禮部尚書詹同致

仕 六月乙未朔五色雲數見 日本入貢 以無表文却之

復以詹同為學士承旨 按指揮僉事陸齡罪 海運

覆舟四十餘艘溺死七百餘人失糧四千餘石不以實聞 命功臣廟祀各指揮

于兩廡 仍註姓名于籍 戊午立 皇陵祠祭署以江文為

令劉英為丞世襲 汰北方州縣官 凡三百八人 命詹

同議分獻禮 上行禮於畢即行分獻仍罷上香 西域諸國來貢

癸亥召華雲龍于北平道卒 七月甲子朔議增園

丘方丘從祀更定其儀 曹公出塞破虜大獲而還

丙寅太陰行太薇垣中 倭寇膠州海州擊敗之

置西安行都指揮使司于河州以韋正掌之 李

存義為太僕寺丞二子佑伸為羣牧官 陞朶甘烏

斯藏二衛為行都指揮司即以夷酋為都指揮同知

等官 俱韋正所轄 西番獻蒲萄酒却之 辛巳 皇第

十三子桂生 惠妃郭氏出 庚寅太白晝見五日 給諸

司典吏米布 牛諒以怠職降主事尋復 十二月罷 入

月甲午朔躬祀歷代帝王于新廟 申定兵衛之政

詔諭雲南 故元威順王子伯伯往 改中立府為鳳陽府并

立縣 擢郭傳翰林應奉 本釋氏宋濂薦其文上嘉之授官遷考功丞

辛丑侍郎茹太素言三事 一檢舉卷宗一增磨勘官吏一在外會議稽遲按察

司糾舉從之 賜故元臣秃魯及乃兒不花書 存卹已

故武官之後 增宛平驛馬 詔諭大理 定祭祀

日期 增列侯食祿 御史答祿與權請行諦禮祀

所自出之帝議寢 九月癸亥朔李思齊卒 妾鄭氏縊死諡

自烈 革浙福廣東三市船司 罷信寶司置寶鈔

提舉司 遣崇禮侯買的里八剌北歸厚賜仍與其

父愛猷識里達臘書 己卯翰林院奏進回鑾樂歌

改諸王相府參軍為長史 庚寅貴妃孫氏薨

燕山四指揮出塞防秋戰死 十月癸巳朔定授散

官資格 置秦州河州茶馬司 己未 皇嫡孫雄

英生 十一月壬戌朔孝慈錄成 有 納答出復寇

遼東敗去 頒祭嶽鎮海瀆儀于所在有司 甘露

降于鍾山劉基作頌 洪武四年十月降于鍾山十一月又降今年仍降如初

下詔分別應赦諸人 杭州軍士章憲言鹽法事宜

卽陞鎮撫理其事 官吏有罪發鳳陽屯田者皆召

還授職 罷四川茶鹽運司 壬午太陰犯軒轅左

角 令儒士于諸司習吏事給文綺衣 十二月壬

辰朔西番諸國來朝因地授官有差 鑿石灰山河

甲辰御註道德經成有 免收方氏温台明三郡

舊兵上遣靖海侯吳禎往收寧海縣知縣王士弘以惡少乘機誣良善上封事 上嘉而寢之士弘

潞州人 侍郎李浩使琉球市馬

洪武八年乙卯正月辛酉朔再汰四川冗官 功臣廟

增祀華雲龍李思齊等一百八人 有司訪窮民無

告者給衣糧屋舍 赦山陽縣民代父受杖者 以

故元降將瑣納兒加為治書侍御史 酣飲奪濟寧

侯顧時六安侯王志倬仍諭大將軍禁約 洪武聖

政記成自欽天至制蠻夷釐為五卷 分諸大將練兵屯田開衛

戍守 廣東盜陷會同縣討斬之 丁亥命天下立

社學 河決開封府隄 二月辛卯朔外夷山川附

祭各省山川之次 免雜犯死罪輸作終身餘限年吏犯賊

屯種 製陪祀官入壇牙牌 重定頒賜及迎接詔諾

儀 御製資世通訓成有 序 召大將軍副將軍還

申明馬政 三月辛酉朔造大明寶鈔 置行用庫

復計均工夫役 癸亥熒惑犯填星 皇太子諸

王祀 皇陵 高麗王王顥卒使來告哀 選國子

生分教北方 詔有司考滿無農桑學較實效者以

違制諭 立張巡許遠廟于歸德州 置中都國子

學 甲申德慶侯廖永忠卒 免天下馬夫田租

洪武正韻成 先是 上召翰林侍講學士樂韶鳳宋濂等曰韻學起於江左殊失正音有獨

用當併為通用者如東冬清青之屬有一韻當折為二韻者如虞模麻遮之屬若斯之類不可枚舉卿等

廣詢刊定之至是 四月庚寅朔改建奉先殿行祭

書成勅宋濂為序 享禮 除衛卒李彥才兵籍 漳州人與子添祿相失二十餘年添祿以薦為

稅課副使求得之請 侍養見許仍除其籍 頒御註道德經及玄教儀

辛卯 上幸中都蹕滁州 遣官祭滁陽王廟 皇

太子攝太廟方丘祭 壬辰 上祭告天地于中都

告將 建都 乙未詣 皇陵祭 仁祖忌辰 節婦八人

遣官祭常忠武王 曹公祭外祖楊王 辛亥祭

淳后忌辰 丁巳還京 罷中都役作并停遷都

之議 賜六部尚書各省叅政公田祿米各一百石

丁巳誠意伯劉基卒 五月庚申朔內使趙成往

河州市馬 召吳伯宗為助教 先以剛直為胡惟庸所擠貶鳳陽至是召

還使安南獲 馴象授職 朱亮祖同傅友德備胡 減漢中租

從聽墾田 僉事虞以 文之奏 六月己丑朔 定安南三年

一朝貢 以李擴等為御史 初教國子生于文華武 英二堂號曰小秀才學

成授官擴尋改給 事中兼相府錄事 七月己未朔日食 以孔克伸

為曲阜知縣賜勅遣之 辛酉改作 太廟 先在皇 城東北

至是改于承天門左同堂異室殿東西為兩廡前為櫺星門

曹公往山西北平

代還傅友德朱亮祖

許百官父母喪不待報即歸 國子生

未娶者給錢婚聘女衣二襲廩月一石 辛未翰林

侍制王俱致仕 甲申定五祀之禮 八月戊子朔

己亥勅太師李善長等勸督農事 故元將王保

保卒 妻毛氏自經死

開登州蓬萊閣河 九月四日辛酉

改建大內宮殿 戊辰湖廣行省叅政吳雲使雲南

未至被殺 故元將張致道數犯邊捕斬之 賜宋

濂醉學士歌 甲申召湯和等還京 十月丁亥朔

築鳳陽 皇陵城 丙申遷鳳陽府治十臨濠新城

壬子 皇太子諸王遊中都講武 詔天下所設

各都衛並改為都指揮使司俱隸大都督府 考議

陵寢朔望節序等禮 浚涇陽縣洪渠堰 十一月

丁巳朔考大祀登壇脫舄之禮 甲戌甘露降南郊

增設六部官 十二月丙戌朔陝西民有妖言得

天書惑眾者斬之 京師地震 糧長雜犯死罪及

流徒者杖之仍掌糧稅納銅贖罪 潮州守將李德

捕倭逗遛坐誅 起叅政陶凱為祭酒尋致仕 納

答出寇遼東守將馬雲葉旺擊大破之擒其驍將乃

刺吾 釋為鎮撫

洪武九年丙辰正月丙辰朔以勲臣子有才者為散騎

參侍舍人凡一百四人 上告祀園丘以諸王將執國也 定王

國禮樂并祭祀之制 前御史焦普等三十三人為

王府官 起鳳陽屯田官吏五百餘人量才用之

諸神壇壝殿成上親告祀 壬午冊魏公長女為燕王妃

中山潁川二侯延安防邊 二月乙酉朔定諸王

公主歲祿之數 巳丑泰安州得玉簡十六宋真宗祀泰山

后土文仍命瘞之 歲星逆行入太薇犯左執法 辛丑秦

晉燕等六王往鳳陽觀祖跡辭陵以行 太白晝見

五月 三月乙卯朔置同文局 免山陝及各處糧

稅 召見方孝孺宴禮部 都指揮常守道破虜

賀州屯軍作亂討斬之 四月甲申朔刑部侍郎李

浩還自琉球 日本來貢且謝罪先屢寇沿海郡縣命申書省移文責

之故以 仍再賜詔責諭之 各處稅糧許銀鈔錢絹

代輸 癸未以火你赤為翰林蒙古編修更姓名曰

霍莊 定武官誥勅之制 加贈戰沒功臣趙德勝

等七人封號 京師自去歲八月不雨至是月庚戌

始雨 五月甲寅朔禁秦蜀軍民入西番互市 議

喪服之制 故元國公九住寇陝西擊敗之 工匠

乘危負重死者給棺國子生護送復其家祭葬 六

月甲申朔大都督府同知何文輝卒 以宋濂為翰林學士承旨知制誥兼贊善如故 戊子客星見天

倉至七月乙亥沒 巳丑勅魏公捕虜 甲子詔改各省行

中書省為承宣布政使司布政使一人左右叅政各

一人 巳亥重建奉先殿工完奉安祭告 召還岐寧衛

經歷熊鼎中道為虜切殺 錄用武官子弟遺棄者 七月

癸丑朔日食 壬戌太師李善長子祺尚皇長女臨

安公主 甲子立倒鈔法 以監察御史王偁等一

百二十三人為知府知縣等官 免蘇松嘉湖租三

十萬石 伯顏帖木兒入寇潁川侯大破之餘眾縛

之以降 誅樂平刁民誣大姓五十家者 八月癸未朔以

吳印為山東布政使本釋氏以才復姓用之 遣官祀歷代帝

王陵寢仍修葺防禁 虜寇河州擊却之 九月壬子朔

召秦晉燕王還自鳳陽 御史大夫汪廣洋陳寧劾

太師李善長赦不問 戊寅 皇第十四子模生

金星犯上將 璽書勞福建叅政魏鑑瞿莊以笞殺奸吏

故元太尉神保等來降 閏九月壬午朔灾異詔

求直言 丙午海州學正曾秉正上疏 上嘉之召

赴京師授官秉正南昌人後為通政使十五年冬以作聰明探主嚮切責免歸甯四歲女為

行資上聞怒下腐刑 訓導葉居升上三事下獄 罷弘文

館 十月辛亥朔 巳未新太廟成奉安神主 德

祖帝后南向三祖帝后東西向先各立廟至是同堂異室親王侑于東皆

有定位木牌功臣侑于西初無定位紙牌 四川黃平等處寨蠻悉平

釐正律條 諸王練兵鳳陽 十一月辛巳朔徙山

西真定民于鳳陽屯田 蘄水縣民王燾七世同居

旌其門 節婦五人 西域獻良馬 戊申靖江王

就國 十二月庚戌朔頒建言格式令直陳得失無

事煩言茹太素言五事冗長故頒 定諸司官以九年為滿 放

疾苦 故元官蔡子英歸塞北 沐英詣關陝至熙河問民

疾苦

洪武十年丁巳正月庚辰朔宋濂致仕 丙戌工部奏

差張致中言三事一選用御史一立常平倉一開北方荒田 上嘉之擢

宛平知縣 罷將作司思文監 命吏部聽選者早

與銓注賜道里費給舟車送之著為令 安南陳瑄

攻占城大敗被殺 高麗為故王王頴請謚號以弒

立不許 二月巳酉遣官祭歷代帝王及先農 皇

第十五子植生如韓氏出 蘇松浙西大水賑之 御史

十三人分巡山東等處 白虹貫日 三月巳卯朔

國子助教錢宰致仕 凡官員巳故者免其家徭役

三年 復薛顯所減之祿 四月戊申朔鄧愈為征

西將軍沐英副之討土番 故元安定王卜烟帖木

兒為其下所殺

曲先指揮沙刺殺之復為安定王子板咱失里所殺失里尋亦被殺

五月戊寅朔覈戶糧州改為縣者十二縣併者六十

靖海侯吳良仍海運遼東 糧長萬石以上者增

副長一人 許邊民團結防虜 曹公往鳳陽視師

尋同韓公議軍國重事 鄧愈追土番至崑崙大捷

戶部主事趙乾以賑濟遲緩誅 縣丞王基乞發

山海寶藏及禁職官言事黜之 逐內臣言及政事

者

并諭羣臣決去之意

六月丁未朔定各道按察司各府首

領官資格 革磨勘司 鄧愈報捷班師 令大小

政事先啓 皇太子處分然後聞奏 長子縣稅課

大使康有孚上三事嘉納之

一重學較二褒忠良三文武並用

大

臣韓魏兩公而下十八人分祀岳鎮海瀆 七月丁

丑朔 殺山東副使張丁 甲申置通政使司 給

諸司散官 劉璉為國子監丞 基之子 遣御史巡按

州縣 北平等八府大水 淡巴國入貢 八月丁

未朔 庚戌改建圓丘合祀天地曰大祀殿 辛亥

置寶泉庫 選武臣子弟入國學讀書 改建社稷

壇

在承天門之右

定官員儀從 免浙西被水田租 九

月丙子朔 占城暹羅斛國來貢賜詔諭之 轉右

丞相胡惟庸為左汪廣洋為右丞相陳寧丁玉為左
右御史大夫 監生分教北方者俱召還擢用 十

月丙午朔 社稷壇成行奉安禮升上祀奉 仁祖

配 壬子觀心亭成 宋濂來朝 巳卯熒惑犯輿

鬼 良家子弟充驍騎舍人者悉放還 封沐英西

平侯 賜百官公田 遣使立三佛齊國王 大內

宮殿成 制度皆如舊 稍加增益 十一月乙亥朔 宥天下罪

人犯杖一百以下者 巳卯 皇第三孫允炆生 建文

皇帝 瓜哇國入貢 衛國公鄧愈卒 丁亥冬至合

祀天地于奉天殿 宥江夏侯周德興 有罪當下獄 上特赦之因

詔諭將相大臣善自保持 四川土酋董貼里叛丁玉為平羗將

軍討平之 諭新除有司官 十二月巳巳朔日食

丙午諭太師李善長等自今政事啟東宮者大臣

更為參決可否 錄死事及病故功臣子孫五百一

十人授指揮千百戶有差 戊申置神宮監 掌太廟 灑掃陳

設之事 甲子夜白虹貫月 是月各道按察司官來

朝 諭以風 憲盡職 高麗五入貢 上皆不納 以嗣王為人 所制命中書

省徃覲 虛實

洪武十一年戊午正月甲戌朔封皇子椿蜀王栢湘王

桂豫王模漢王植衛王改封吳王橚為周王 巳卯

進封中山侯湯和為信國公 皇第十六子楠生

丁亥雨水冰 安南國使來告哀遣中使祭弔 徵

天下布政司官及各知府來朝 二月甲辰朔 議

減鹽價 浚滹沱河 皇太子祀 皇陵 一東平侯

韓政卒 指揮胡淵平茂州蠻立衛守之仍會平羗

將軍丁玉征松藩等處 三月癸酉朔分考績官為

三等稱職而無過者為上賜坐宴有過稱職者為中

不坐宴有過不稱職者為下不預宴立于門宴者出

方退 壬午秦晉二王之國 太宗周楚齊四王還

駐鳳陽 太子正字桂彥良為晉王右傅 一俘四川

茶洞獠悉宥之 丁酉始製牙牌給文武朝臣 定

賞賜軍士節錢恩例 禁奏事關白中書省 四月

癸卯朔 重建 皇陵碑 上親製文勒之 元嗣

君祖于沙漠 子脫古思帖木兒立 五月壬申朔 皇第十七

子權生 癸酉編纂春秋本末 類分列國附左氏傳之後首周次魯先晉

齊後吳楚 定天下歲造軍器之數 免蘇松嘉湖逋租

六十五萬有奇 宥廣東左右叅政劉益康濟 嘗以國子

生侍諸王學于文華堂者 河州指揮徐景破虜 六月辛丑朔

遣使祭元嗣君 後又冉遣 五開洞蠻作亂殺指揮僉

事過與遣楊仲名帥師討之

七月三日辛未 皇第四孫高熾生是為 仁宗皇帝

丁酉禁謫戍人不得上封事 以茶紙衣服往宰東

市馬 詔諭故元丞相驢兒于應昌 蘇松台楊海

溢賑被災者 八月庚子朔 免應天太平鎮江廣

德諸府州秋糧 諭納答出 九月庚午朔御殿受

曆 收安吉侯陸仲亨公田奪汝南侯梅思祖俸

違 已丑客星掃天井西南行至十月巳未陰雲不

見 丙申追封劉繼祖為義惠侯 捐地葬仁祖帝后 者妻婁氏王夫人

永寧下池賊作亂討平之 賜助教貝瓊致仕

十月二日辛丑改太原府城隍為晉國城隍之神 各

如 庚戌駙馬都尉曹國公李貞薨 以梅殷為駙

馬都尉尚皇第二女寧國公主 大祀殿成 十一

月庚午朔 五開蠻平 西平侯沐英討西番 皇

太子妃常氏薨 臨江侯陳德卒 賜丁憂知府李

亨米鈔 治蘇州 勤廉 十二月巳亥朔 除蘇松杭嘉湖

魚課 學士宋濂衍聖公孔希學來朝 衍聖公例有 下程濂特賜

勅慰勞禮部 致廩米酒餼 僧宗泐等使西域 辛丑太白犯壁

壘 賜前廣西布政使臧哲米鈔仍令服闋來朝 自

以喪去官 者皆有賜 庚戌辰星犯南斗 遣高麗使人還勅

諭之 責以挾詐及 殺使人之罪 諭故元丞相哈刺章等 擒元

平章完者不花

驢兒部屬
送還之

補遺

四年二月以大同遭亂空虛撥山東糧十萬石運至平定州山西接運至府并附近太原保安諸州縣稅皆以濟之又起蔚忻崞三處民丁與軍士協力修浚城塹 寶源局所鑄大中洪武通寶大錢皆鑄京字於背其後從省民間以二等大錢無京字者不行故命改鑄為小錢以便之 賜在京軍士十四萬三千二百餘人錢各三千六百文 遣官往廣東買耕牛

給中原屯種之民

後道死者
俱免償

八月宜春侯黃彬捕贛州山寇平之 高州海寇何均善聚眾數百人為患業已捕戮餘黨羅子仁等遁去復劫奪府印逼通判王名善從已不屈執至霞洞新營遇害雷州衛遣千戶黃清領兵禽子仁等三百餘人斬之

十二月改貴州衛屬四川

舊屬湖廣以
水路遠改之

五年六月夏至祭方丘還宮 上諭 皇后妃嬪曰方農時天久不雨秧苗尚未入土朕甚憂之汝等宜皆蔬食自今日始候雨降復膳是夜大雨水深尺餘

皇后具冠服以賀

六年四月置御藥局于內府尚藥奉御等十二人俱
內官內使克之太醫官四人考選克之凡御藥醫官
就局修製太醫官診脉御醫叅看較同約會奉御
就內局將藥貼連名封記具本開寫本方藥性治證
之法於日月之下醫官奉御書名以進置簿曆一用
中書省印記烹調御藥太醫官與奉御監視每二服
合爲一服候熟分爲二器一器御醫先嘗次院官次
奉御其一器進御

崔文昇李可灼
得免罪可乎

七年六月日本僧宗嶽等七十一人遊方至京上

諭中書省曰海外之人慕中華而來令居天界寺人
賜布一疋爲僧衣

八月北平副使劉崧言宛平驛當要道而驛馬之數
與僻地同宜增上可其奏顧侍臣曰驛傳勞逸不
均甚爲民弊崧以爲言民獲惠矣朕一身任天下之
事聞見計慮豈能周徧爾等體此竭心爲朕訪察民
間利病何事當行之毋爲容默保祿而已

八年三月中書省奏大都督僉事吳復曹興謝成例
應給公田米一千石吳復先任指揮已賜公田二百
石今請以八百石益之上以曹興居大同時多不

循軌度調福建又受王駙馬賂謝成在山西擅奪民利惟吳復祿如請興成二人不給

九年正月山東行省言遼東軍士冬衣每歲秋冬運送時多逆風艱於渡海宜先期於五六月順風之時爲便戶部議爲方今正擬運遼東糧儲宜附運綿布二十萬疋綿花一十萬斤順風渡海爲便從之勅遼東將士曰納哈出以塞外餘寇越我遼蓋二城直犯金州是時州城未完戍卒寡少指揮韋富王勝保城却敵又出奇獲彼裨將與將較軍士宜膺上賞蓋州城池雖完然彼衆我寡若無素備豈不爲彼所乘

指揮吳立張良佐房嵩按兵堅壁備禦多方可謂能守因能挫敵及敵自金州北歸諸將士又能阻關塞隘晝夜戒嚴敵不敢復向故道自析河遁去又從都指揮葉旺追擊俘斬甚衆較之金州將士功差居次賞亦如之旺又與都指揮馬雲同心協力一出守皆爲得宜旺雖居佐貳躬率將士衝冒險難應變出奇敵人失勢追奔逐北可謂智勇兼濟宜膺上賞雲居首職選精銳助旺成功亦其能也然坐守北之出戰稍安宜膺次賞於是賜葉旺文綺帛各十八匹馬雲各十三匹金州衛指揮各八匹遼蓋衛指揮各五

匹餘以次減至一帛一布陣亡者倍之

雲莊戰功見本傳甚偉其

難易次第 賜勅更明功 賞如此孰敢不效死力乎

五月 上以登萊二州皆瀕大海爲高麗日本往來要道非建府治增兵衛不足以鎮之遂割萊州文登招遠來陽三縣益登州爲府置所屬蓬萊縣復以青州府之昌邑卽墨高密三縣補萊州府

六月陞彭州知州胡子祺爲延平府知府子祺吉水人洪武三年以儒士舉赴京試中選者十九人桐廬魏潛王訥河西李顏永豐丁節永嘉許士宏萬安夏贄樂清李時可衛輝陳士舉龍泉劉谷蕭暉合肥夏

起瑞安馬爲漢分宜劉沂平陽孔希晉永新歐陽子韶太和王子啟安福歐陽楚廬陵胡伯清與選列適太史奏文星見 上嘉十九人皆擢監察御史子祺

首上書請都關中

上稱善

見開國傳

卽胡壽昌

七月雲南人苟德祖仕元世襲印部州六蕃招討使明氏據蜀德兄安復爲黎州招討使明氏亡夷民潰散德奉母還居印部至是四川守臣招之德遂來朝貢馬且請置官司 詔以德爲黎州長官賜印及衣服綺帛 西域產一馬甚異 上遣使者諭其酋長不得已乃陰傷其足來獻 上命典牧所善養之至

是馬瑜來進 上爲良馬說復命儒臣爲文以述其事 役夫每每遁走遣衛卒巡視有二人伏草中卒意其役夫也叱之二人持杖起卒執其甲而乙前擊卒卒以槊刺之乙死甲始言二人亦邏兵非役夫也法司以鬪毆殺人律論二卒當死 上曰衛卒夜巡詰奸職也乙不自言其實而反擊之故彼刺死卒亦何罪釋之而賜乙妻子鈔爲葬費

十年三月增置滁陽儀真香泉六合天長五牧監滁陽設群二十二儀真六合各七香泉八天長四俱隸太僕寺計牧種馬五萬七千三百八十五匹

十月瓊州府軍餉舊于廣東漕運涉海艱險募商人

粟給鹽

倉副使李德新之奏

十一年十一月初山西旣平唯靖樂縣餘孽四大王遁入蘆茅山數出寇掠爲患千戶唐誠者率兵於同瓦溝掾坊山捕其黨哈刺張送京師斬之至是復于寧化鎮築城設千戶所爲必滅之計尋 上以急之

則脅從者懼罪從之益堅寬之則各有身家一旦思其鄉土自當逃散於是罷兵但令山西諸處嚴備至二十一年四大王窮蹙詣晉王府降 上以元之子孫宥之厚賜命隨沐英戍守雲南

皇明大政記卷之四

臣朱國禎謹輯

洪武十二年己未正月己巳朔 癸酉旌表節婦九人

乙亥罷天下運司批驗所三十二 己卯合祀天

地于南郊大祀殿奉

仁祖配

是夕澄霽星緯昭煥慶雲彩煜上甚悅

勅諭百官下翰林院紀其事

沐英兼討洮州十八族叛番 有

司任瘴厲地方者減一考通敘

從倉副使李德之言

定丞相

御史大夫等官歲祿之數 始許監生歸省 丁玉

討松州叛酋平之 二月戊戌朔 曹公徃西邊措

置 建神樂觀 定遣使外國儀注 辛亥召前丹

徒知縣李思迪于貶所俾訓國子 定公主郡縣主

歲祿之數 信公湯和等臨清練兵 洮州蠻悉平

築城置衛戍守 三月戊辰朔 太陰犯辰宿 辛

未暴風 給軍士布縷自製戰襖 從布政華克勤之奏通行各邊

江西叅政劉璉逮下獄 以基子特宥之 巳丑 皇第十八

子梗生 謫學官李思迪馬懿 顧問不肯對 上以緘默懷詐謫仍勅諭

國子師生 四月丁酉朔 眉縣人彭普貴作亂殺知縣

顏師聖 皇第十九子穗生 惠妃郭氏出 募浙人為較

尉 庚申日交暈 致仕官四品以下者皆陞一等

賜誥勅 五月丁卯朔給工匠鈔悉遣還家 免北

平稅課 松州叛苗平設衛戍守 閏五月丙申朔

太白晝見 丁未日本使來朝 庚申圍袁州通

判隋贊為按察使 討叛月有善政 六月巳丑朔 馬雲征

大寧 定東宮與親王往來書劄之式及相見禮儀

設北平各門兵馬司 賜元丞相驢兒書 乙酉

編春秋本末書成 七月乙未朔 海國公吳禎等

祔功臣廟 禎以五月卒 召曹公還京管大都督府事

大同兵破虜 太陰犯建星太白犯鬼宿 丁丑討

川賊彭普貴等平之 八月甲子朔 陝西湖廣械

獻番酋洞蠻宥死番發戍蠻分送孳牧所皆給糧贍

之 減案牘繁文 延安侯唐勝宗督海運還京上

遼東城池軍糧之數 九月甲午朔 沐英等大破

西番班師 已酉改鳳陽行大都督府留守司為留

守中衛指揮使司 占城入貢 以中書省不即奏切責胡惟庸汪廣洋等

龍巖縣民作亂討斬之 十月甲子朔 敘征西

將士功 召朱亮祖于廣東 所為多不法 儒士吳沉為

翰林侍制 十一月甲午朔 封仇成藍玉等十二

侯 濟寧侯顧時卒 馬雲平大寧 十二月癸亥

朔 神樂觀成 宋濂衍聖公皆來朝 賜如前 遺民

流至南京者即與入籍賜鈔 諭中書選卜筮官

右丞相汪廣洋貶海南賜死 開西安府憇水渠

詔諭安南 所徵博學老成士皆至京 江西布政

使沈立本招元吏部侍郎伯顏子中不屈飲醜死

是歲除官二千九百八人儒士人才五百五十三人

墾田二十七萬餘頃

洪武十三年庚申正月癸巳朔 高麗入貢 不如約詰問之

戊戌誅左丞相胡惟庸等 御史中丞涂節告與御史大夫陳寧等謀反節以初

與謀從坐事連韓國公李善長陸仲亨等赦不問 華中書省罷丞相不設

陞六部尚書各司所事分大都督府為中左右前後

五軍都督府布告天下僕斯為吏部尚書鄭九成為

禮部尚書徐釋為戶部尚書定其品秩 以武官子

弟常安等百三十人為叅侍舍人 安遇春再從侄也 巳巳

上御奉天門選官 罷軍需庫置軍器局 戊申改雞

籠山為鷄鳴山 罷各處兵馬司 覈天下倉庫積

穀多少之數空印者皆殺鄭士利上書坐輸作 洪

彝為吏部尚書 百戶翁顯討廣東山寇戰死 二

月壬戌朔舉士及有術數者以聞 命文武官年六

十以上者聽致仕給以誥勅 沐英討和林脫火赤

愛 以重定文武官歲給祿米俸鈔之數勒石 辛

巳太師李善長年老上所還儀仗許之 進曆以十

月朔日 三月壬辰朔 減蘇松嘉湖重額糧租

以京衛軍士充公侯儀仗戶 先以京民充至是改 鄧愈子鎮

襲封申國公 壬寅 太宗之國 戊申定六部官

制 分教官首領官雜職官為三等 定吏員月俸

沐英涉流沙擒脫火赤愛等并其部曲以歸 定

公侯稱號 不稱散官稱開國等云云 定鹽場等則 四月辛酉

朔 降侍制吳沉為編修 翰林應奉陳溥編修張

美和還鄉御製詩文賜之仍給道里費 都督濮英

襲虜西涼破之開道通商 令羣臣各舉所知 助

教聶鉉賜歸 五月辛卯朔 陞各省都指揮使為

正二品布政使為從二品原正三品甲午雷震謹身殿

詔告天下肆赦并釋在京及臨濠屯田輸作者左中丞安然歸里起李善

長理臺事 免天下今年田租 凡官員罪黜情非

實犯者遣赴京師授職罪自十惡以下皆赦 都督

濮英獲元平章嗣王等數千人 癸丑 皇第二十

子松生 召教授吳源儒士王本等 署吏部尚書

劉崧致仕 日本來貢却之 罷御史臺及各道按

察司 六月庚申朔免太原大同二府鹽課 查各

處軍餉及官吏月俸 丙寅雷震奉天門罷王府工作

復吳沉侍制 罷各府照磨 阮峻為吏部尚書

丁丑置諫院官左右司諫各一人正言各二人 戊

寅諭戶部軍民常用之物皆勿稅 己卯置行人司

判祿司 罷天下抽分竹木場 召儒士吳慎明劉

仲海等 禮部尚書僕斯致仕 延安侯唐勝宗督

造海船 以蘇恭讓為漢陽太守 臣戒錄成胡惟庸事

覺 上命纂歷代諸侯王宗戚宦官悖逆不道者二百十二人備其行事以類書之頒布是月

以天變避正殿 七月己巳朔 運陝西布于近邊

易米麥 詔京官復其家 甲子太白晝見 罷秘

書監悉歸翰林典籍禁高麗使人毋擅入境其已至使人周誼留于京

師遣其通事罷寶鈔提舉司 谿洞民居京師者悉

聽還鄉 倭寇廣州 八月二日庚申 皇第二

一子模生 祭歷代功臣用常服行禮 置應天府

學 給天下師生廩膳 九月戊子朔 永嘉侯朱

亮祖卒 日本再貢俱却之 命天下諸司正官首

領來朝明年正旦 乙巳 聖壽節始御前殿受賀

大宴後殿 前固却舉自後歲以為常 丙午置四輔官告 太

廟 以王本李佑龔敦為春官杜敦趙民望吳源為

夏官俱賜勅 詔戒守令 祭不備物者論如律非

土產聽缺 陝西衛軍以三分之二屯田 召儒士

張叔濂梁俯賈惟岳宋訥等 安置宋濂于茂州 孫慎

黨逆 十月戊午朔 罷諸王相府陞長史為正五

品 左右各一員 汰天下巡檢司非要地者三百五十四

致仕尚書單安仁言江淮運道事停之 十一月

丁亥朔 魏公還自北平 虜寇永平指揮劉廣戰

死千戶王輅擊敗之擒其大酋一人 重定功臣及

常選官封贈等第 宋訥為國子助教 十二月丁

巳朔 改雜職衙門方印為條記 徵士至京者八

百六十餘人各授官 重建天禧寺 即長于寺 詔諭日

本 南雄侯趙庸鎮廣東

洪武十四年辛酉正月丁亥朔 虜寇邊魏公為大將

軍率諸將討之 新授官各舉所知 始設各省參
議官 罷造兵器 下詔求賢 勲臣武臣子弟皆

入國學受業 命天下編賦役黃冊 二月丁巳朔

甲子鄭湜為福建參議 以事兄弟爭入獄義而用之 楚王楨

就國 更定徒罪煎鹽炒鐵例 申明鄉飲酒禮

增布政使左右為二人 覈實天下官田 改明州

府為寧波府 武官三品以上有犯請旨乃鞫四品

以下所司逮問 凡問刑諫官覆審者不署名 三

月丙戌朔 詔赦天下 復置各道按察司及分司

赦運船附載私物者 流徒酌道里遠近不得處

以荒蕪地 太陰暈太薇垣 起致仕刑部尚書李

敬為祭酒致仕禮部侍郎劉崧為司業 辛丑頒五

經四書于北方學校 宋公佩印節制河南 勅刑

部凡官吏受賂必求通賄之人并罪徙其家于邊

召安然為四輔官 丁未置東宮左右春坊司直郎

各一人 四月丙辰朔改建國子學于雞鳴山下

命國子生兼讀劉向說苑及律令 司業前侍郎劉

崧卒 庚午大將軍出塞虜駭遁傳友德襲灰山克

之大獲沐英等略至公主山殲其眾獲全寧四部以

歸 五月甲辰前學士承旨宋濂卒于夔 巳酉建

軍衛廬舍官員居室 五谿蠻作亂江夏侯周德興

討平之 六月乙卯朔 選國子生三十七人教習

詰責安南欺詐却其貢 築浙西海塘成 癸未

辰星熒惑太白三星聚東井 七月甲申朔 重定

進賀表箋禮儀 却日本貢禮部移書責之 定文

武散官之制 各省社稷山川等祀武職不與 壬

子大星自天津北流數小星隨之至古樞沒 八月

癸丑朔 諭討雲南備衣裝 癸亥夜白虹見 巳

丑南雄侯趙庸平蠻寇奏捷 河南原武等縣河患

四輔官安然卒 九月壬午朔傅友德為征南將

軍藍玉沐英左右副將軍討雲南 勅播州宣慰楊

鑑助討雲南 魏公仍鎮北平 先八月還 改翰林院為

正五品 欽天太醫同 西域僧辭歸賜而遣之 巳丑復

置起居注 建滁陽王廟于滁州 丁酉置中都留

守司 改蔣山興國禪寺為靈谷寺 衍聖公孔希

學卒 甲辰白氣貫日 四川散毛諸洞作亂討平

之 禁有司薦舉教官 十月壬子朔日食 法司

擬罪從翰林春坊給事中會議 免應天等五府秋

糧 御史分按各道罪囚 定內外考功法 漳州

古田賊平 丙子熒惑犯太薇垣 周王橚就國

十一月壬午朔吉安侯陸仲亨鎮成都 潮州賊平 誅為首者釋脅從千餘人 甲申黑氣亘天 覆天

下廢寺田入官 己亥復置大理寺及審刑司 江

陰侯吳良卒 禁有司不得差遣學官 福安縣民

廣東海賊曹真作亂延安侯唐勝宗南雄侯趙庸分

討平之 十二月僧宗泐還自西域隨人貢者甚眾

命翰林春坊官考駁諸司奏啟以聞 征南兵攻

下普安進兵曲靖擊敗梁王將達里麻于白石江擒

之梁王走死分兵進取雲南諸路 延安侯唐勝宗

討平衢處溫山盜 甘露降鍾山 傅友德自普定

克烏撒築城蠻合兵來戰大破之遂克可渡河 築

普定城 革京畿都漕司

洪武十五年壬戌正月辛巳朔 大宴始用九奏侑食

樂章 置諸司勘合 翰林侍講火原潔等編類華

夷譯語 置貴州都指揮使司平涼侯費聚汝南侯

梅思祖署事 置雲南一十四衛 減大辟罪 雲

南捷奏至京命諸將區畫 凡將較雜犯死罪者免

死發戍邊 南雄侯趙庸先後討廣寇皆平之 命

天下朝覲官各舉所知一人 二月壬子朔 駙馬

李祺等賑河南水災 置雲南都指揮使司 選致

仕武官徃守雲南諸城 雲南平詔天下 乙卯置

雲南布政使司汝南侯梅思祖平章潘原明署司事

張統等為叅政叅議等官賦詩二章賜之 南雄侯

趙庸盡俘乳源蠻寇 丁未白虹貫日 雲南中鹽

以播州宣慰司隸貴州 閏二月 命禮部定諸

司文移式 陽山歸善蠻寇悉平 賜雲南土酋寇

帶誥勅使任本州知州等官 諭征南諸將進討大

理尋克之 賜六部尚書侍郎馬 三月庚戌朔

改國子學為國子監 降吳沉教諭未行留為翰林

典籍 定雲南所屬州縣 籍廣東蜃戶萬人為水

軍 以孔克當為曲阜知縣 乙丑頒軍法定律凡

十九條皆 叅酌律意 更定官員相遇及公叅禮儀 河決朝

邑縣 四月庚辰朔 巡檢王德亨請開階州界外

水銀坑青綠紫泥不許 定封贈官制 置在京僧

錄道錄二司外曰僧綱道紀縣之附郭者并於府 遷故元梁

王威順王家屬居耽羅 丙戌詔天下通祀孔子賜

學糧增師生廩膳 壬辰免浙江江西河南山東直

隸糧 乙未改儀鸞司為錦衣衛 熒惑出太微端

門 定春坊為左右春坊設大學士左右庶子諭德

贊善司直等官 設司經局洗馬一人 戊戌設雲南各

處儒學 烏撒諸蠻復叛 癸卯以儒士吳顥為祭

酒 旌表遼東高希鳳家五節婦裴鐵皮家貞節

五月巳酉朔 皇長孫雄英薨追封虞王謚曰懷

囚徒貧者日給米一升 巳未新建太學成以舊國

學為應天府學 乙丑 上幸國子監謁先師再拜

獻爵又再拜轉御羹倫堂祭酒吳顥等以次就坐進

講 上又親為講說賜宴翌日國子官表謝賞賚仍

頒學規行之 廣平府吏王允道請開磁州錢冶杖

之流海外 諭各省凡勞民之事必奏請而後行

行人齋勅諭天下郡縣并求經明行修之士其任學

官者職專教訓不在舉例 頒釋奠先師儀注于天

下 議遼東屯田 上曰遼陽蚤寒土曠人稀朕不欲
置行省勞民設衛戍之歲餉海上

非得已也每聞一夫當航海之行家人懷訣別之
意近復有溺死者朕通夕不寐爾等其議屯田法

六月戊寅朔 國學官年老者遇暑月及雨雪免朝

叅 選生員入國學者千餘人 雲南志書成 七

月戊申朔 旌真定孝婦劉氏 免民間曆日工本

錢 凡告胡黨者不問 起前國子助教開濟試刑

部尚書 征南兵擊烏撒大破之 限諸司來朝官

以十二月二十五日至京師 斬春侯康鐸宣德侯

金朝興卒 八月丁丑朔諭禮部設科取士期三年

一試者爲令 頒學較禁例十二條 遣御史審決

重囚 勒臥碑明倫堂之左 凡徒犯以上書申明

亭 丙戌皇后馬氏崩 宥監察御史章良 以罪繫獄上疏

自陳過咎 上 以能改宥之 肥城知縣許好問疏秦隋元爲閏

位乞慎刑昭德緩差容直 上嘉之 丙申定 皇

后謚曰孝慈 徵至秀才分六科叙用 御史趙 仁之言 宥

青州府同知安貞 以擅造公宇器用爲吏所告 上 以情非自私留貞供職械吏送京

師 營陽侯楊璟卒 九月經明行修之士鄭韜等

三千七百餘人入見錫鈔授布政使等官 鑄監察

御史印 文曰繩 愆糾謬 釋罪人先期來歸者 桂彥良上

太平治要十二條嘉納之 壽節以 孝慈喪免朝

賀 令迺軍旣獲者戍雲南 乙丑熒惑犯南斗

北平關隘二百處設兵戍守 庚午葬 孝慈皇后

于孝陵 儒士沈士榮上疏 上手詔褒諭擢翰林

待詔 雲南諸夷復叛沐英討平之 是月于各府

州縣設按察分司僉事儒士王存中等五百三十人

試用 人治二縣期 周歲遷官 十月丙子朔 更置都察院設

監察都御史八人 正七品以秀才李原 各詹徽劉駟等爲之 廣東賊平

南雄侯趙庸班師 復謫戍主簿楊時敏官省母

精考儒學官 頒劉向說苑新序于天下學較 汝

南侯梅思祖卒于雲南 乙未齊王搏就封 命刑

部都察院錄囚 申明越訴之禁 定諸司錢糧刑

名常行事擬聞大政事請 旨處分 禁煩文出入

人罪者 凡子訴父枉者勿論 魏公還京 十一

月丙午朔 置雲南鹽課提舉司 癸丑冬至以

孝慈喪常服行禮 衛所軍月鹽代以鈔 各都司

不許役軍營造 宥都指揮桑桂 戊午置殿閣大

學士 禮部尚書邵質為華蓋殿大學士學士宋訥簡

討吳伯宗典籍吳沉為文淵武英東閣大學士

旨儒鮑恂余銓張紳張長年徵至京恂年八十餘

銓紳長年皆年七十餘 上見甚喜以恂為文華殿

大學士老疾辭放 歸三人皆為教授 修國子監書板 勅諭各都指

揮使詢所徵秀才為僉事者具行實以聞 戊辰都

察院以巡按事宜頒按察司 吳印張統為雲南左

右布政使 兵部尚書唐鐸為諫議大夫 十二月

巳亥朔封李新崇山侯 營孝 陵功 浚儀真河 各處教

官九年滿用為教諭 北平大水 定僧道服色

各部逮繫人悉送刑部鞫問 旌表節婦十二人

洪武十六年癸亥正月巳巳朔御殿朝賀不舉樂 戊

申白虹貫日 行人十員往雲南諭新民 儋州知

州魏世吉請遣子入太學許之 西番歸附者三十

戶共輸一馬 祭酒吳顥寬縱免官 戊午魏公復

鎮北平 以文淵閣大學士宋訥為祭酒 命徒流

而下代農民力役贖罪 諸蠻酋來朝悉獻所乘馬

以鈔償之 曹公李文忠兼領國子監事 二月乙

亥朔 旌烈婦張氏于父母家 安平縣人夫翟德國子生盜同舍生衣物

事覺張耻之自縊 旌貞婦彭氏 安仁縣人守貞七十六年壽百

上以承家教旌之 天下學較歲貢生員

各一人 以故元雲南右丞觀音保為指揮使賜名

李觀 故元軍士占籍為民相告者不理 三月甲

辰朔 永免鳳陽臨濠二縣糧稅徭役 罷天下府

州縣按察分司 定詐偽條律 勅四夷及土官入

賀者會集畿內近地同入京師 節婦七人 四月

甲戌朔 松藩等處安撫司納馬置驛 文華殿大

學士全思誠致仕 賜暹羅占城真臘諸國勘合驗

朝臣出使者 五月甲辰朔 勅天下衛所習射 善射

者十選 致仕叅政舒唐招集浙東水軍二萬七

千餘人 定嫡妾封贈及文官封廕例 免應天太

平鎮江寧國廣德五郡糧稅 以五郡與王之 六

安侯王志等督兵安輯雲南 六月癸酉朔 議三

審五覆之法 選舉儒士 定考覈之制 改都察

院正三品設左右都御史副都僉都各道按察使從

三品設按察使副使僉事 七月壬寅朔 詔都司

上衛所城池水陸地里圖 庚寅熒惑出太微垣

御史各處錄囚 山西左布政何真致仕還廣州集

舊部兵較二萬餘人送京師 更定冕服之制 庚

午太白晝見四日 八月壬申朔日食 降東閣大

學士吳沉為侍書 進講後期 戒武臣無受民囑托撓有

司 旌邳州孝子李英 九月辛丑朔 國子生有

父母者三年一歸省 仍許歸娶 奔期喪 壽節復常儀不舉

樂 壬戌 皇第二十二子煥生 癸酉申國公鄧

鎮為征南副將軍討江西龍泉山賊 鳳陽大龍具

寺成 即皇覺寺 給事中各處清軍 命來朝官鑲進功

業册 十月辛未朔 召還魏公等 却高麗貢 計其

欺詐 節婦七人 復設社學 先以擾民 停罷 壬辰太白晝

見三日 頒鄉飲圖式 六安侯吳復卒于雲南旌

其妾楊氏貞烈 十一月庚子朔 祀文翁張詠等

于四川李冰祠卓茂而下各立祠 定朝參官員坐

次 在外進表箋必差職官 諸司來朝及差回者

先朝見後詣所司 十二月庚午朔 賜在京官民

元旦元宵節錢 歲貢考中送國子監 吳伯宗降

檢討 刑部尚書開濟有罪誅

洪武十七年甲子正月己亥朔 定城隍俱軍士修理
 無得役民 己巳以孔子五十七代孫訥襲衍聖公
 優給故官家屬 丁未郊 旌表山陰縣民徐允
 讓及妻潘氏節孝 魏公復鎮北平 詹徽為左都
 御史 節婦五人 陞左右都御史正二品副僉遞
 陞 須文達那國入貢 廣東徭寇悉平 文官居
 憂已至職五年無過者給半祿終制三年者全祿三
 月 壬申信國公湯和巡視浙福山東等處海道
 甲子起余燦吏部尚書 孝節二十六人 起罷免
 官輩貫道等為左布政叅政等官 僧智光等使西

天尼八刺國 二月己巳朔 定吏員考滿陞轉出

身資格 定天下諸司文移紙式 三月戊戌朔頒

行科舉成式 曹公李文忠卒 龍泉諸山寇悉平

穎川侯傅友德等班師入朝 停造寶鈔 凡有

司祭祀僧道官不與 定公侯封玉軸伯子男犀軸

改錦衣指揮正三品 甲子赦天下 改建三法

司于太平門外 四月戊辰朔 壬午加傅友德穎

國公餘將較有差 平雲南功 榜在外三司以下考覈入

事 更定六尚局品秩 許指揮何誠追贈本生

孝節十人 築國子監外號房五百間 吳伯宗卒

五月戊戌朔 定武臣襲職例 諭遼東守將唐

勝宗絕高麗 六月丁卯朔 詔天下諸司朝正旦

繪土地人民圖來上 雲南官免覲 諭羣臣禮樂

兼重制大成樂器分天下儒學 置府州縣醫學陰

陽學 高麗謝罪請以馬代貢金許之 丙戌歲星

填星太白聚參宿 乙未睢州河決 製國子監祭

服 七月丁酉朔 勅內官毋與外事并禁文移往

來 製欽天監觀星盤 建朝天宮 癸卯曉太白

犯天罇 許迎養父母者皆官給舟車 徵安南糧

助雲南 諭戶部定里驗丁糧多寡產業厚薄均其

力 局大使許士哲上十四事 明賞罰以清官吏問
疾苦以安生民均賦

役以甦民力嚴銓選以擇賢才練精卒以杜妄費興
武舉以收英才崇節義以厚風俗明禮樂以教萬民

立平準以利商賈置常平以惠農民用直臣以任糾
彈開言路以通民情滅亡胡之餘燼以絕後禍監前

代之興亡 上褒之 詳定合奏事目其瑣細者勿

以聞 北平降卒編入京衛者悉放為民 處士陳

遇卒 秋暑命刑部慮囚 八月丙寅朔 平緬宣

慰思倫發入貢 開封府河決東月隄又決杞縣

各處逃軍有司覈實發補不必遣人 儒士陳玄為

僉都御史 撰皇伯壽春王墓文立石 癸未定考

績法 甲午遣官祭歷代忠臣 儒士汪仲魯為司

直郎十九年三月賜歸

諸州民戶不及三千者皆改為縣

凡三十

九月丙申朔 應天舉人廖孟瞻等二百

二十九人 征南士卒悉為小旗免比式 節烈三

人 更定親王冠禮 十月乙丑朔 册李氏為淑

妃攝宮中事 復遼東海運 置稽疑司專 成都

府吏訐知府張仁不聽 閏十月乙未朔 禁方面

官侵郡縣之職 決囚皆屬刑部都察院詳議送大

理覆審 博士元統奏曆法 功臣恩典非奉 特

旨不許請 魏公還京 清類天文分野書成 十

一月甲子朔參政胡昱請討納答出不許 孔希文

為曲阜知縣 文官七十許致仕給誥勅 雲南布

政吳印還京張統代 鞏昌侯郭子興卒 十二月

甲午朔 弛姑舅外黨成婚之禁 太平民毆死孕

婦當絞子請代不許 大理卿鄒俊議曰死婦繫二八

犯法之父孰若全 沐英勦廣西維摩餘寇通四川

糧道 是年泗州人朱貴上 祖陵圖帖厚賜之除

奉祠世襲

洪武十八年乙丑正月癸亥朔高麗琉球暹羅等國貢

賀 擢太原府同知温祥卿兵部尚書 六月降刑部主事

戊辰夜熒惑犯外屏 考察朝覲官四千餘人黜七

百餘人分稱職平常不稱職貪污鬪茸五等 陞劉

三吾翰林學士 丁丑酌損高麗入貢三年一朝止

進馬五十匹 時貢馬五千匹金五百斤銀五萬兩布五萬匹 巳卯命天下

州縣官第民戶上中下三等為賦役册驗輕重役之

慶遠府東蘭州蠻寇韋富撓作亂討平之 癸未

禮部頒外官到任儀注 乙酉歲貢會試不中者還

學讀書再試不中罰為吏 按察使陶垕仲以父兄

徙鳳陽乞得聚養許之 辛酉定王國祭祀社稷山

川等儀 二月癸巳朔 孝節十五人 甲辰陰雨

雪雹求言 祭酒宋訥獻屯田守邊策博士高允憲

請卓異者賜金增秩學正陳潛夫請旌直臣簡師儒

勵廉耻審用人四事皆嘉納之 乙巳初昏五星並

見 巳未太傅魏國公徐達薨 松州羌反討平之

仍運糧給松州衛 定王國受曆禮儀 三月壬戌

朔策試舉人黃子澄等四百七十二人賜丁顯練子

寧花綸 一日黃子澄 以下及第出身有差因定甲第授官

品秩 命工部增造京官居舍 凡百餘所 禮部主

事陳章上言禮制納之 節婦五人 乙亥免應天

太平寧國鎮江廣德滁和七府州今年田租 進士

自授官外餘觀政諸司給以出身祿米 在翰林承勅 監者稱庶吉

士在六部者仍進士

丁丑定翰林院官制學士殿閣大學士

俱正五品 夜歲星與填星會金星入井宿歲星入

亢宿 壬午太常博士薛文舉言人才稱職者宜久

任納之 庚辰定蕃國進表禮儀 辛巳禁河南伐

桑棗榆槐 罷考功監 戊子填星歲星太白聚東

井 戶部侍郎郭桓胡益王道亨等盜官糧伏誅盜至

七百萬石詞連禮部刑部趙瑁王惠建等兵部工部侍郎王志麥志德等及妄指平民皆至破家 上聞

法司逼桓妄指將翰林院待詔朱善為文淵閣大

審刑吳庸等凌剔 學士 四月二日癸巳乙未五色雲再見群臣請表

賀不許 丙申修治海蓋復三州城池 丁酉吏部

尚書余燠擅逐祭酒宋訥坐誅勅諭訥任職如故

戊戌置雲南沅江府因進羅必甸長官司秩六品流

官為長土官白文玉為副 巳亥太白晝見三日

壬寅錄有司官善政著聞者揭鄉之旌善亭犯法罪

狀著明者揭申明亭 馬平縣主簿孔性善上獐獐

事宜褒答仍擇賢守令撫輯之 節婦二人 丙辰

置五開衛指揮司 思州諸蠻洞作亂信國公湯和

討平之 五月辛酉朔大學士朱善進講心箴 丙

寅罷判祿司 庚午太陰犯平道 湖廣峒蠻作亂

討平之 右軍都督張赫督海運七十五萬餘石往

遼東 是月五色雲再見 六月辛卯朔 丙申太

白晝見六日 戊戌頒命婦冠制 丙午僉各處民

丁充力士者萬四千餘人增錦衣衛六千戶領之

戊申定朝覲官以三年為期 先是一歲一朝 是月下第舉

人俱授教官 七月辛酉朔高麗權國事王禡獻馬

請襲爵并請故王王顥封謚從之 乙丑丹徒知縣

胡孟通縣丞郭伯高金壇縣丞李思進坐事當逮耆

民詣闕保留皆賜勅勞以酒還職 丙寅命戶部以

天下稅糧課程一歲收用之數刻于廳事 公侯親

屬占籍他處者皆召還 巳巳罷四川普定軍民府

辛未免陝西欺隱田糧十二萬餘石 壬申浙江

按察使陶晟坐罪死 甲戌封王禡高麗國王故王

顥謚恭愍皆賜誥 以學錄張溥為詔使行人段裕副之國子典簿周倬為誥使行人

英副 庚午五開蠻洞亂討平之 甲申歲貢生不

中式者提調官及教官罰俸一年 丙戌監生患病

者官給醫藥死者行人送歸 八月庚寅朔 祀姜

源公劉于邠州 癸卯吏員役滿者避本貫互用

丙午賜公侯鈔人萬錠俾還鄉建第宅 巳酉二甲

進士方昇三甲梁德遠等六十七人為六科給事六

部試主事 宋公馮勝為征虜大將軍偕穎公傅友

德永昌侯藍玉往北平會兵備邊 癸丑復設糧長

巳未指揮千百戶鎮撫年五十以上者許以子代

襲 是月賑河南水災 九月十日庚午 上御華

蓋殿命大學士朱善講周易 壬申駙馬都尉黃琛

卒 乙亥古州洞蠻作亂楚王楨率湯和討之 丁

丑戊寅太白經天與熒惑同度 甲申定諸蕃頒貢

儀式 丁亥以檢討茹太素為戶部尚書 尋降御史 行

人韓曄父同知致仕年七十得罪當罰役曄請代釋

之 戊子星變勅諭秦普周三王 壬寅太白連晝

見 是月大學士朱善卒 十月巳丑朔御制大誥

成頒示天下 賜湘潭魯蜀四王十七史等書 免

北平今年田租之半 赦孟氏子孫輸作京師者 仍

丁部凡聖賢後裔輸作者皆放免 徵天下武官赴闕 乙未二甲

進士胡昌齡等十人為御史各府推官三甲李烜等

二十人為各部試主事及各縣丞 築欽天監觀星

臺于雞鳴山因雨花臺為回回監觀星臺 有星孛

于斗 癸卯召大將軍馮勝回京 乙巳湘王栢之

國荊州 丙午命蜀王椿居鳳陽 巳酉魯王檀之

國兗州 乙卯勅諭洮岷武臣送馬 信公湯和平

古州蠻 俘四萬餘人 陞宜興縣主簿王復春為常州同

知不阿奉上官仍遣庶吉士楊靖賚勅勞之十一月己未朔 革城門

郎其門禁鎖鑰銅牌掌于中軍都督府 水災免山

東糧二百五十餘萬河南及常德府三十萬餘石

十二月戊子朔定鈔二貫五百文代米一石充祿賜

庚寅潭王梓之國長沙 丙午詔舉孝廉 高麗

來貢明年正旦 己酉陞建陽知縣郭伯泰為泉州

同知縣丞陸鑑為福州通判為政不避權勢遣行人勅勞壬子

高麗請大統曆詔以十本賜之 癸丑平緬宣慰思

倫發反千戶王昇死之 是月建寺雞鳴山即山為

名祀梁僧寶公 罷各布政使煎煉鐵冶

洪武十九年丙寅正月戊午朔 張北平大名江浦縣

水災 戊寅湖廣通城崇陽二縣糧米以山路代以

布帛 己卯罷四川永寧茶馬司 平柳州融縣洞

蠻 庚辰頒大誥于國子監及各儒學 二月丁亥

朔 雲南蠻叛穎公討平之 置雅州茶馬司 丁

未遣使勞常熟知縣成夔奇賜以酒府吏行縣中道執之戊

申定首領官于本司堂上九年通考黜陟正官九年

稱職予誥勅 壬子命新除官不用符契止給劄付

癸丑賑河南諸府饑民 省躬錄成既編歷代帝王祭祀祥異

威應為存心錄朝夕觀覽復編漢唐以來災異應臣下者為此書頒行三月丁巳朔

罷審刑司 給來朝官鈔二十錠為道里費 辛

未製大誥續編頒示天下 置牧監諸群 罷文武

官節錢俱賜宴 辛卯復頒北方郡縣學較五經四

書 甲申復雲南納米給鹽之例 四月丙戌朔分

工匠輪班 在京文職官吏俸置倉另貯 甲午賜

天下官每歲柴炭鈔五十貫 丁酉李景隆襲封曹

國公 贖河南水災典買男女 應天衛軍士有父

母子女者月給米一石 丙午置建昌姚州越雋會

川五井鹽課提舉司 陞慈谿縣丞秦仲彰為寧波

知府降寧波知府李仲文為慈谿縣丞 府吏行縣不法執送闕下

五月乙卯朔 丙辰命四民各守本業游惰匿宅

所者問遣 丁巳勅勞嘉興知縣華輝縣丞齊搏 剛

能其官 市馬雲南 戊辰妖僧玉琳與新淦縣民楊

文曾尚敬等謀亂建元天定捕誅之 己巳行人王

良至常州貪黷太守范好古以聞械至罪之 壬申

平靖州苗蠻 乙亥程鄉縣民鍾文遠作亂伏誅

甲申治賣卜人妄告之罪 六月五日己丑梧州府

興業知縣王獻縣丞曹玉容徵稅違期 上以進士

特宥之 辛丑雲南地震 命戶部給祿皆以石計

先有升斗零者 甲辰下詔賜天下高年粟帛撫恤從征軍

士 丁未賑青州開封二府旱災 癸丑給糧長賦

役冊籍之費 平越苗叛頴公討平之 七月己丑

朔勅諭蘇州知府王觀 以插死奸吏錢英 癸亥三辰晝見

置東寧衛 設揚州武昌等府糧長 丙寅復左

都詹徽等五家 通政使蔡瑄左通政茹瑄工部侍郎秦達戶部侍郎楊靖 甲戌

賜中山王等十四人鳳陽東西山場 丁丑國子博

士吳沉老疾致仕 己卯太白入太薇垣 癸未詔

舉經明行修練達時務之士年七十以下者置翰林

六十以下者置六部二司 八月甲申朔 辛卯取

應天府富民子弟補吏 六安侯王志卒 甲辰

皇太子往盱眙縣葬 三祖帝后衣冠加修繕薦號

曰祖陵 己酉定吏員轉補資格 九月甲寅朔

復置寶鈔提舉司 庚申雲南屯田 高麗占城入

貢 皇第二十三子桎生 丙子天雨絮 癸未行

人劉敏唐敬偕內臣賫磁器賜真臘等國 十月七

日庚寅太白晝見七日 乙巳優給已故武官子孫

父母老者全俸終身 是月頒志戒錄 採為臣悖逆者百餘事

十一月三日乙卯澧州蠻亂討平之 庚申免大

同府鹽稅虧額 辛酉日本來貢却之 癸亥改車

里軍民府為宣慰司 丙寅高麗請易冠服不許

行人往廣西凡山與蠻洞相接者悉具圖以聞 十
二月癸未朔日食 京師各門各處工役皆以罪人
輸作 詔並海所在置千戶所八 甲申陝西市馬

乙酉重囚令大理寺覆奏聽決 戊子市馬高麗

癸巳御制大誥三編成頒天下 上親序之被誅貪
賊官吏一切作奸

犯科姓名具列誥中前後三編凡臣民務要家藏人
誦以為鑒戒倘有不遵遷于化外其有大誥者俱有
所犯減
等科罪 乙亥岷州山寇作亂討破之 庚子獎河

南盧氏縣主簿徐存義 上言大梁居中土形勝可都
不宜在于江左守令當重佐

貳不必多設倡優俗樂
不可用常修明雅樂 左都御史詹徽請用嚴刑

上諭責之 巳巳命運糧給施州衛餘崇山等衛令屯

田自食 再請復
給之 詔武職謫雲南遼東者皆縣次資

給 戊申置都勻安撫司 雲南巨津州之酋阿奴

聰叛吉安侯陸仲亨捕誅之 親王令節慶賀止本

城官行禮 安南陳煒入貢 是月諭宋公馮勝征

納哈出先運粟松亭關及大寧會州富峪四處仍分

置邊隘諸衛

補遺

十二年二月 勅曰今春雨雪經旬不止嚴凝之氣
切骨朕思昔在寒微當此之際衣單食薄艱苦特甚

今居九重擁裘衣帛尚且覺寒若是其天下孤老衣不蔽體食不克腹者有之令天下有司俱以鈔給之助其薪炭之用又勅曰連日陰雨京民中亦有貧者審實凡孤幼戶給鹽十五斤孤寡者戶廿斤賜太醫院判郝致才致仕致才濠梁人初上潛龍時嘗遘疾甚危致才進藥而瘥及上卽位念之召至京命爲院判至是閔其年老特勅致仕而官其子文傑爲院使賜誥

四月勅四川都指揮音亮朱輔等曰近因寇盜剽掠居民已勅爾等勦捕淹留道途反爲民害賊衆愈

盛實由爾等失機敗事特遣鎮撫楊華馳諭如不卽擒寇賊歸良民妻子而徒勞師旅則爾等之罪何逃軍中唯指揮茅貴勇略有功千戶瞿關亦能效其力其餘將士勤怠朕悉知之各宜勉力以成厥功六月馬雲征大寧諭曰此寇甚黠知官軍將至悉遁入山兵回復出如是則宜以大軍分駐要害遣人招撫招之不至則伏兵以伺必盡獲之凡得賊首卽其地斬之以警其餘

十三年分五軍都督府左軍統在京驍騎左水軍左留守左龍虎英武五衛在外陝西四川江西三都司

并所轄衛所右軍統在京虎賁右水軍右留守右武
德廣武五衛在外山東河南潁州三都司并所轄衛
所中軍統在京神策廣洋留守中應天和陽五衛在
外蘇州太倉鎮海揚州高郵大河淮安沂州鳳陽左
右中皇陵長淮懷遠留守中留守左徐州十七衛滁
州六安廬州鎮江安豐信陽宿州洪塘九千戶所及
河南都司并所轄衛所前軍統在京天策豹韜龍驤
飛雄龍江五衛在外湖廣福建廣西三都司及福建
行都司并所轄衛所後軍統鷹揚江陽興武橫海蒙
古左蒙古右六衛在外北平山西二都司及山西行

都司并所轄衛所

九月祭社稷用醢溧水縣以牛代鹿時有非土產者
缺或他物代 上曰溧水固有鹿何得謂缺是有司
無誠心祀神故爲是苟簡夫百司所以能理職盡民
事者以其常存敬畏之心今溧水之官于神猶怠于
人事可知論如律仍勅禮部凡祭必備物苟非地產
所有又無商賈販鬻聽缺

十五年二月起致仕官往守雲南 諭播州宣慰使

楊鑑每一人至備甲兵五十五人衛送

五月監察御史雷勵坐失入人徒罪 上責之曰朝

廷能使頑惡懾伏良善得所者在法耳少有偏重民
無所守爾爲御史執法不平何以激濁揚清伸理冤
枉徒罪尚可改正若死罪論決可以再生乎命法司
論勵罪以戒深刻者

八月遣監察御史余公大往泰州審決重刑勅曰雨
露滋生萬物以榮霜露肅殺萬物以悴榮悴各當其
時斯二儀之常經古今所不易者也今爾往泰州

審決刑獄爾其慎法天時務從至公毋獲罪于人神

欽哉

此審錄
之始

先是民有以罪減死戍邊者多艱衣食

上聞而閔之悉命還家取貲用定期而來至是五十三

人先至 上曰彼愚民無知故抵於法今先期來歸
是其畏法良心不泯庶幾改過遷善矣特命宥罪與
道里費放還田里

十月桂林府興安縣主簿楊時敏以罪謫戍雲南時
敏延安府宜君縣人有母居家年八十餘時敏上言
不歸省者九年矣願便道省視而後赴謫所 上憐
其母老許之因復其官俾遂祿養 桂林衛戍卒二
人言故元守將阿爾思蘭舊所部偏較三十六人今
在全州宜取置戎伍 上曰天下兵版籍已定人方
安業豈可復擾此輩非挾私怨則希望恩賞命徙二

卒於揚州衛

十一月西安衛千戶宋壽領河東鹽六千四百餘斤以給軍士侵欺三千二百餘斤上命戶部悉準鹽價給鈔免致所司爲奸諭五軍都督府近福建行都司及建寧左衛守禦官不奉朝命輒役軍士伐木修城樓因而私營居室極其侈靡軍士富者責其納錢免役貧者重役不休今軍士忿抑來訴已令法司逮問榜諭天下都司自今非奉命擅興私役者必罪削職勅山西都指揮使司曰近振武衛指揮桑桂有犯卿等議擬如律允合至公然念其勤勞累歲初

麗於法不忍加刑特有之俾復官諸連逮繫者悉釋之惟妄稱老實大王者誅之以戒將來

十七年三月改三法司于太平門外在京城之北以刑主陰坊曰貫城法天之貫索也是星七宿而貫珠環而成象乃天牢也若中空無凡星於內則刑官無私邪政平訟理獄無囚人若凡星處貫內者刑官非人多有冤抑若中有星而明者貴人無罪而獄

七月朝天宮之地卽吳冶城晉西州故址南宋時始置聰明觀唐建紫極宮宋真宗大中祥符間改祥符宮尋改天慶觀元元真時改玄妙觀文宗時又改永

壽宮至是重建賜名 遣國子助教楊盤等使安南
征糧餉助雲南兵食先 上謂戶部曰曩因雲南數
生邊釁命將討之今其地已平人悉編籍然兵多民
少糧餉不繼朕思安南壤地去臨安甚邇彼能堅事
大之心當助糧餉以佐兵食命盤等往使陳煒卽以
糧五千石運至臨安界之水尾且遺盤以金帛盤却
不受隨入朝貢

十九年五月處州麗水縣有賣卜者南昌人嘗卜謁
富室不應乃詣 闕告大姓陳公望等五十七人聚
衆謀亂命錦衣千戶周原往捕之知縣倪孟賢先微
服往察見其男女耕織如故歸謂僚屬曰朝廷命孟
賢令是邑惟欲撫輯斯民安于田里今使良善受惡
逆之名豈朝廷初意耶卽具疏 上聞復令耆老四
十人詣闕訴其妄 上命法司論妄者罪賜耆老酒
食及道里費遣還

